

658



**ЛЕНИН
ИЛЬЫСЬ
КЫВБУРЬЯС**

СЫКТЫВКАР • 1969 •

№ 658



**ЛЕНИН
ЙЫЛЫСЬ
КЫВБУРЬЯС**

КОМИ КНИЖНОЙ ИЗДАТЕЛЬСТВО

Сыктывкар 1969



Виктор Савин
Вениамин Чисталев
Владимир Латкин
Ананий Размыслов
Серафим Попов
Иван Вавилин
Василий Власов
Федор Щербаков
Геннадий Юшков
Альберт Ванеев
Владимир Попов
Борис Палкин



Коми поэтъяс — Ильичлы

Дона челядь! Владимир Ильич Ленинлөн ни-
мыс уна миллион йозлы дона, радейтана, ма-
тысса да ас. Коми йоз буре помнитоны и некор
оз вунодны Владимир Ильич Ленинлысь тожд-
лунсö, сылысь бур сьолöмсö, сылысь мывкыдсö.

Советскöй Союзса став мукöд народъяскöд
тшöтш коми йоз ошкöны да аттьöалöны дона
вождьöс асланыс сьыланкывъясын, мойдъясын,
кывбуръясын да поэмаясын.

Медводдза коми гижысьяс пиысь öти — Нёб-
динса Виттор — гижис В. И. Ленин йылысь некы-
мын кывбур. Тайö кывбуръясас гораа кылö
поэт-патриотлөн да советскöй гражданинлөн гö-
лöсыс. «Ленин — öзйöдысь ним» кывбур Нёб-

дінса Виттор гижис Ленин кувсьом кузя. Поэт ыджыд шогсьомон копыртө юрсө дона морт весьтын, но өттшөтш сійө и чуксалө став йөзөс не сетчыны няргөмлы да повзьөмлы, сійө ышөдө быдөнөс пөртны олөмө Ленинлысь заветъ-яссө:

Уналөн сьөлөмыс
Ленинөн өзйө.
Ленинлөн велөдөм
Некор оз вун!
Кодкө кө
Му шарсө
Вильмөдны көсйө —
Сы туйөд веськыда мун!

И коми поэт чорыда эскө, мый Ленинөн индөм туйыс вайөдас уна миллион йөзөс тыр шуда кадөдз.

А «Ленин» нима кывбурын Нёбдінса Виттор зільө восьтыны Владимир Ильич Ленинлысь образсө кызди став гөль йөзөн веськөдлысьлысь да бательсь:

Став олөмыс Ленинлөн —
гөль вөсна төжд,
Пыр на понда сьөлөмыс пуис;
Став мувивса уджалысь йөзөс
нэм чөж
Пыр мездысян туй кузя нуис.

Коми поэт ещö öтчыдысь тöдчöдö, кутшöм топыд гөрöдөн йитчöма Ленинлөн олöмыс йöзлөн олöмкöд.

Ленинлы аттьö кыв коми йöз нимсянь Нёбдинса Виттор шулывліс аслас уна кывбурын. Унаысь сійö кыз быттьö шыödчывліс Ленин дорö, зілис ськöд сöветуйтчыны и помтöма эскис сылы. Ассьыс медся ыджыд поэтической гижöдсö, «Сыктывкар» поэмасö, Нёбдинса Виттор помалö татшöм кывъясөн:

Вермасьны вермам,
Вермöмьяс перьям!
Та вылö велöдіс Ленин!

«Ленин дорö радейтöмыс помтöм»— татшöм медшөр мөвпыс Нёбдинса Витторлөн «Яр шонді моз» кывбурын, кодöс сідз жö сійма Владимир Ильичлы. Коми поэт чöвтлö ассьыс видзöдлассö и войвыв тундраö, и жар лунвылö, и капитал странаясö, и асыввылö, и рытиввылö — и дзик быдлаын юралö Ленинлөн нимыс.

Ленинскöй тема дорö кутчысьöмыс ёна озырмöдіс да вынсьöдіс творчествосö и коми поэт Тима Веньлысь. Октябрьскöй революциялы дас во тыригкежлö Тима Вень гижис кык поэма: «Ленин гу дорын» да «Му вежандыр». «Ленин гу дорын» поэмалы эпиграф пыдди вöлі пасйöма татшöм кывъяс: «Москва — сьöлöмыс СССРлөн. Кремль нöрыс — Москва карлөн. Ленин гу — став му шарвывса уджалысь йöзлөн». Тайö нин зэв бура востö поэмаыслысь темасö да петкöдлö сылысь идейнöй визьсö. Тима Вень

аслас поэмаас тӧдчӧдӧ, мый Ленинлӧн сьӧлӧ-
мыс вӧлі Революциялӧн сьӧлӧмӧн, та вӧсна
сійӧ кутас нэмъяс чӧж тіпкыны уна миллион йӧз-
лӧн морӧсын.

30-ӧд воясын гижис ассыс «Тундраса мойд»
поэмасӧ коми поэт Владимир Латкин. Тані сійӧ
петкӧдлӧ тундралысь садьмӧмсӧ, ловзьӧмсӧ,
сійӧс, мый Ленинлӧн пьян — коммунистьяс от-
сӧгӧн кӧдзыд тундралы удайтчис мездысьны
нэмвӧйся унзільсьыс. Ленинлӧн пьян отсӧгӧн
«енэжвивса кодзувъяс лэччисны му вылӧ» —
тундраын ӧзйисны выль стройкаяслӧн бияс.

Поэмаса геройлы, вӧвлӧм кӧр видзысь Рум-
лы, нэм кежлас паметьӧ колисны сійӧ лунь-
ясыс, кодыр удайтчис сылы олыштны Москваын.
Унатор вылӧ сылӧн тані воссисны синьясыс. И
кор Рум бӧр воис тундраӧ, сійӧ зэв чорыда
эскис, мый Ленинлӧн пьян вӧчасны шудаӧн
сылысь войвылын олысь народсӧ. Ленинлӧн
идеяяс, сылӧн тӧждлун да муслун сывдасны
тундрасӧ. Та йылысь мӧвпалӧ Рум Кремль до-
рын сулалігӧн:

Морт кызь,
Кодьяс Войвывсянь медбурьяс пиысь,
Кремлёвскӧй трибунасянь
Лэптисны ки,
Мый Ленинлӧн сетӧм
Закон —
Эм победа,
Мый врагьяскӧд тышьясын
Вермысьяс — ми!

Москваын Румос, кодї лоис нин водзмостчысь шахтерон, наградитоны Ленин орденон. И тайо «Тундраса мойд» поэмаын зэв тодчана символ, сийо унатор йылысь висьтало и медводз сы йылысь, мый Рум аслас морос вылын вайис Ленинлысь образсо ылі тундрао, и Ильич нимкодя видзодо тундраса йозлон выль бур олом выло.

1917-од воын Ленин веськодлом улын Россияын вермис Великой Октябрьской социалистической революция. Пыр ылоджык и ылоджык боро кольоны сийо воясыс, Советской властьюн медводдза воясыс, кор Ленин сулаліс мирын медводдза Советской государстволон штурвал сайын. А тайо воясыс волины страналон оломын вывти съокыд воясон. Но и татшом каднас Владимир Ильич воли бур съолома да тождысьысь мортон, кутшомон сийо петкодчо Г. Юшковлон ичотик гижодын, кодї шусьо «Ленинлон госнеч», либо мод ног «Ильичлон нянь». Автор петкодло голиника олысь да ена тшыгьялысь коми челядьлысь нимкодясьомсо: Ленин дядь ыстома отилы чоскыд шаньга, модлы гогрос колоб. Дерт, верстьо лыддысьысьлон нюмыс петас челядьлысь татшом сернисо кывзигон. Но збыльторйыс танї эм: зэв съокыд да тшыг 1918-од воын Владимир Ильич Ленин сетіс распоряжение, медым отсавны сеянон пико воом коми йозлы. И Геннадий Юшков бура кужис петкодлыны художественной формаын тайо отсогсо. Тайо темасо жо Г. Юшков бура восьто и «Отсог» нима поэмаын.

Кымын водзёдзык ми мунам коммунизмань,
кымын ундзык выль вермём шедёдны совет-
ской йоз, сымын донадзыкөн лунысь-лун лоо
Владимир Ильичлөн нимыс. Сійо кыпөдө со-
ветской йозос коммунизм вöсна тыш вылө,
чуксалө быдөнөс радейтны чужан му, дорө
миян странаса народъяс костын дружба. Бу-
ретш татшөм идейной ключөн воссьө Сер. По-
повлөн «Русской народлы» кывбур, көні коми
поэт гижө:

Великой русской морт — рөднөй Ильич —
Свобода корсьны лэптис йозос штурмө.

Сер. Попов петкөдлө Великой Ленинлысь об-
разсө аслас уна кывбурын. Сійо жө вуджөди
коми кыв вылө и Маяковскийлөн «Владимир
Ильич Ленин» поэмаысь ыджыккодь юкөн. А өд
тайө поэмаыс тыр правоөн лыддысьсө талун
кежлө Ленин йылысь медся бур поэтической
гижөдөн.

В. И. Ленинлы сиём кывбуръяслысь быдса
цикл гижис и Иван Вавилин. Казьтыштам көть
сылысь сэтшөм кывбуръяс, кызди «Кашинойн
бияс», «Арабъяскөд сёрни», «Музейын»,
«Съездъяслөн Дворецын», «Ленинлы памятник».
Вавилинлысь «Ленин Комиын» поэма вөлі рочө-
дөма да йөзөдөма «Дружба народов» журна-
лын. Позьө шуны, тайө гижөдыс пырис стра-
наса поэтической ленинианаө.

Йөзлөн радлун — Ленинлөн радлун, йөзлөн
шог — Ленинлөн шог, и Ленинлөн ранаяс кылө-

ны-энтöны уна йöз сьөлöмын — татшöм медшөр
лейтмстивыс И. Вавилинлөн гижödьясын.

Ленинлөн заветьясыс збыльмöны миян чужан
муын талун, и миян Коммунистическöй партия
водзö восьлалö сьлөн туй кузя. Та йылысь вись-
талö коми поэт Владимир Попов «Ленин йы-
лысь кыв» кывбурын:

И талун восьлалам Ильичкöд,
И талун медводзын Ильич.
Та вöсна миянöс не венны,
И помöдз ваям панöм висьт:
Тшöтш Коммунизмö пырас Ленин
Кызд медся первой коммунист.

И первой коммунист серти сöветскöй йöз
велöдчöны муртавын асьыныс делöяс, асьы-
ныс поступокьяс, асьыныс став олöм. Лоны пыр
водзмöстчысьөн да öттшöтш скромнöйөн, лоны
уджачён и этша больгысьөн — таö велöдö Ле-
нинлөн кувлытöм примерыс.

А. Ванеев.

*Виктор Савин
(Нёбдинса Виттор)*

Ленин

(1924 вося январь 21 лун)

Ми казтылам январь кызь öтикöд лун,
Кор ыджыд шог суис став мүсö,
Ми копырöн казтылам талунья лун,
Кор Ленинлөн олöмыс куси.

Став олöмыс Ленинлөн — гöль вöсна тöжд,
Пыр на понда сьöлöмыс пуис;
Став муыввса уджалысь йöзöс нэм чöж
Пыр мездысян туй кузя нуис.

Став гöль йöзлы колö пыр öтутны вын,—
Сидз унаысь Лениныд шулис,—
Пыр чорыда вермасьны, кытчöдз оз мын
Став муыс буржуй кипод улысь.

Став му гөгөр кытшовтö Ленинлөн туй,
Сэт мунöмыс водзö пыр öддзö;
Му пасьтала тiралö озыр буржуй,
Важ олöмпы пом воём тöдчö.

Бур велöдöм Ленинлөн некор оз кув,
Бурсиöмьяс сылөн оз вунны;
Мый олигас уджавлис, сийö оз сувт —
Ми кöсйысям сы туйöд мунны.

Быд уджалысь войтырлөн Ленин оз вун,
Век Ленин ним лоö зэв муса,
Ми сьөлöмсянь копырөн казтылам лун,
Кор Ленинлөн олöмыс кусi.

Ленин — öзйöдысь ним

*„Ми копырөн казтылам талунъя
лун,
Кор Ленинлөн олöмыс кусi“.*

Уналөн

Унаысь

Сьөлöмыс усьлö;

Няргывлö:

— Вынöй оз судз!

Ыджыд удж вöчигөн

Лачаыс куслö;

Чорыда топöдлö мудз,

Сойясыс өшөдчө рудз.
Мукөдлөн
Повзьёмла
Сьёлөмыс измө;
Нюкрасьё,
Катлөдлө юр:
Воам кө
Сё воён
Социализмө,
Сійө нин
Зэв эськө бур.
Сөмын тай шог —
Мунан туй лёк,
Регыдөн шудыс оз сюр!..
Полысьяс,
Няргысьяс,
Талуңья луно
Восьтлөй көть
Ассыныд син,
Вемныд мед дзыкөдз эз сiм!
Ленинлысь
Кольём заветьяссө
Видзам!
Ленинизм —
Олөмлөн пас,
Быд уджлы
Сійөн ми
Вужйөдзыс судзам!
Быд уджлы
Ордымыс дась,
Паськөдө
Рабочөй класс.

Уналөн
Сьёлөмыс
Ленинөн өзйө.
Ленинлөн велөдөм
Некор оз вун!
Кодкө кө
Му шарсө
Вильмөдны көсйө,
Сы туйөд веськыда мун,
Гуранө,
Бокө эн сун!
Вождьнымлөн индөдьяс
Збыльмөны — вемөс,
Өзтөны
Уджалысь войтырлысь вем.
Ёртьяс и —
Врагьяс и —
Став мирыс шемөс:
Матыстчө выль пөлөс нэм,
Ленинизм некор оз берд.
Туй визьсө веськөдлысь эм —
Ленинскөй ВКП(б)!

Яр шонді моз

Көть войвылө мун,
Көн вой джынйыс — лун,
Көн вой джынйыс — вой,
Көн көдзыдыс збой,—

Яр шонді моз сәні,
Лым шебраса чумъясын,
Вой войтырлөн думъясын,
Пыр өзьялә дона ним — ЛЕНИН!

Көть лунвылө мун,
Көн шымыртө жар,
Көн потласьө му,
Көн капитал-сар
Вир пычкө лёк нэмын,—
Сэн чуксалө рабъясөс,
Мед шыбитны врагъясөс,
Яр шонді моз өзьян ним — ЛЕНИН!

Көть асылө мун,
Көть рытивыв пыр,
Көн вермасын шум,
Көн тюрмаяс тыр,—
Яр шонді моз сәні,
Сьод камера сьөлөмын,
Быд вермасысь сьөлөмын,
Пыр өзьялә дона ним — ЛЕНИН!

Көть Шөрмуө сувт,
Көн горш пон оз увт,
Көн перйөма мез,
Көн олөмыс сзэь,—
Быд уджалысь вемын,
Ударникьяс вермөмын,
Победаяс перйөмын
Пыр өзьялә дона ним — ЛЕНИН!

Кор йиркнитас гым —
Кык мир костын кось,—
Враг смертысь оз мын,
Оз ловйон бөр кос!—
Сэк, медбөрья венын,
Пыр миянӧс веськӧдлас,
Победа туй петкӧдлас
Гӧрд знамяын ӧзьян ним — ЛЕНИН!

*Вениамин Чисталёв
(Тима Венъ)*

Му вежандыр

(Позмаысь юкӧн)

Со тай чужи,
петіс-локтіс
выль морт —
большевик.
Локтіс, сүвтис,
гора шуис:
«Коді Гӧрд му
понда олӧ,—
Мунам,
огӧ полӧ!
Коді война
думнас ёрӧ —
мила дорӧ!..»
«Став му вивсьыс
пролетарийяс,

өтүвтчалөй!»
«Сьөд удж бертысь,
му выв пьян,—
муыс миян!..»
Сідзи шуис.
Көсйис — вөчис!
Важ мир
путь-пась
керис-вөчис,—
кыз буржуйлысь
«сювсө лэдзис»...
Важлысь лөпсө
тылаөс моз
ректіс,
көрт плуг-гөрийөн
пыді гөрис —
көдзис
көйдыс виль.
Вөлі
Биа из кодь
чорыд
миян ВКП!
И сылөн
юрнуөдысь мортыс —
Ленин ёрт!

Владимир Латкин

Тундраса мойд

(Позмаысь юкӧн)

Кыз тундраын, чомйын,
Сідз пукалім орччӧн,
Мем водзӧ век висьталӧ
Уджалысь Рум,
Мый лоӧма сәні,
Код шусьыліс тундра,
Кӧн пом ни дор шыбитчис
Ас чужан му.
Кор шыбитіс Рум
Асьыс кӧр куысь пасьсӧ,
И Ленинскӧй орденӧн
Югнитіс ной,
Кыз бытьӧкӧ виччысьтӧг
Петӧма шонді,
Кӧн воясӧн нюжавліс
Сап пемыд вой.

— Тэ помнитан, друг,
Кор ми пукалім тэкөд!
Тэ чум дорын висьталін
Тундраса мойд.
Тэ казьтылін Ленинөс...
...Аддзи ме сэки,
Кызд син дорсьыд исковтіс
Виччысьтөм войт.
Тэ мортсө эн аддзыв,
А сьөлөмыд доймис,
Кор став йөзөс суліс сэк
Вөвлытөм шог,
Кор төдчымөн босьтчөма
Ловзьыны тундра
Да важ пыдди пуксьө нин
Выль оласног...
И зымгисны вояс...
И Ленинлөн нимыс
Быд уджалысь сьөлөмын
Некор оз кув...
...И лыбисны карьяс,
Колхозьяс, заводьяс...
И видзөдіг дрөгнитіс
Паськыд му шар.
И сэки, кор тундраын
Стройка шы лыбис,
Кор ставнад тэ бергөдчин
Партия дор,—
Тэ Ленинөс ассьыд
Пөсь сьөлөмсьыд аддзин,
Кызд аслад став олөмад
Меддонатор.

Ананий Размыслов



Кыасянь кыаөдз тіраліс вөр,
План вөсна чорыд кось сэтөні муніс.
Некор не чеччывны пуяслы бөр,
Усисны кодъяс та косьын.

Рытьявыв шонді эз өшав сэн дыр —
Лэччис лад кутөмөн ассьыс.
«Коймөд бригадалөн норма эз
тыр»,—
Сэк бригадир аслыс пасйис.

Исковтө рыт, и со баракын чөв,—
Некод оз лысьт сійөс торкны.
Өтнас куш ывлаын потласьө төв,
Йөзлөн жө синьясын — сёрни.

Нинөм эз шу бригадирлы прораб,
Эз видчы, ни лёкысь эз равзы,

Но синъясас вöлі гижöма став,—
Индисны налы дзик ставсö.

Быдöнлы кузь тайö кажитчис вой,
Быдöнлөн сьөлöмныс пессис:
«Кыдзи нö тадзикöн личöдiм сой!
Кыдзи нö татшöмöдз лэччим!»

Некодлы мыж талун узыны оз сет,
Ставлөн дзик пыткас шог вöрис,
Кажитчис, быттьöкö стенсянь портрет
Ленинлөн видзöдiс скöрысь.

Водз асыв. Оз тыдав на кыалөн борд,
Бригада — ас местаас, вöрын.
Кык нормаөн тайö лун сетiс быд
морт.
Рыт. Ньюмялис на вылö Ленин.

Серафим Попов

Ленин пыр ловъя

Кодыр шонді зарни кыа пестö,
Чуймөдö вөр-васö помтöм мич.
Бронза-изйысь сувтіс Эжва весьтö
Миян дона, кувлытöм Ильич.

Ылö водзö видзöдö пыр сійö,
Восьтö шуда йöзлы локтан нэм.
Ленин ломзё шонді кодь жö биён,
Сылөн нимыс быд сёлöмын эм.

Кыа кисьтö быравлытöм зарни,
Вөтлö мулөн быд пельöсысь ун.
Подвиг вылö мунö том ударник
Дорны коммунизмлысь югыд лун.

Мича сылөн олöмыс и думыс,
Дедлөн туйöd осьлалö бур пи!
Ловъя Ленин аслас ловъя нюмөн
Виль войтырлы талун мыччö ки.

Ильичлөн лампочка

Паметь кудйын видзам
Вывті уна
Казьтылана
Серпасьяссө ми...

Пöрысьмыны куті,
Но эг вунөд,
Сиктын кыдзи öзйис
Югыд би.
Пызан увті
Ветлі сэки подөн,
Пеша бердысь
Дасысь кисьтлі вор.
Кытысь тöдны,
Пырис кутшөм могөн
Миян тшына керкаө
Монтёр!
Эз монтёр,—
Сэк татшөм ним эг кывлөй,—
Карысь воліс
Сюсь да төлка зон,
Пеша весьтө,
Кодлөн тшын эз сывлыв,
Провод помө
Крукаліс патрон.
Мамө шөпкис:
— Ен мед грекысь видзас!..
Восьса вомөн
Вывлань дзоргис бать,

Өшөдчис кор
Керка йирксянь мича
Кляничаысь вөчөм
Югыд гадь.
Паччөрысь тшөтш лэччис
Синтөм дедө,
Кодлысь синсө
Сейис пеша би,
Сэрөглянь жө
Нюжөдчис да легис
Сартастор моз
Сылөн косьмөм ки.
Вөлі рыт,
Кор войыс лунсө зырө,
Кодзувьясысь тэчө
Ассыс дзуг,
Керкааным
Нем виччысьтөг пырис
Шонді,
Зарни шонді пырис друг!
— Енмөй!..— сөмын артмис
Менам мамлөн,
Кыв джын бательы,
Тыдалө, эз шед...
Дзикөдз воштіс
Тайө рытө сямсө
Югыд билы паныд
Сувтөм дед.
— Аддза!!!— горзіс.—
Кыланнуд-ө!.. Аддза!..—
Бан боктіыс кывтіс
Синва войт.

Ошиньясын ворсіс
Кыа раддзён
Парма сайысь воём
Пемыд вой.
Медводз батьё
Аслас садыс воис,
Нобьяліс
Лёк пешакөд и вор,
Пасьтасьтөгыс нуис
Тайё войын
Сэтчө, көні скөра
Бузгис шор...
Нинём дзык эг содты
И эг мичмөд,
Вөрзьөдны важ вөвлөмтор
Эг пов.
Ломзис кодыр
Лампочка Ильичлөн,
Мича кывйыд
Сы дінө эз ков.
Ставсө ачыс аддзис
Керка стенсянь
Медся дона,
Медся муса морт...
Овны кутас,
Овны кутас нэмяс
Миян югыд шудын
Ленин ёрт!

Иван Вавилин

Ленин Комиын

(Позмаысь юкӧн)

— Да-а!— ышловзис менам ёртӧй,—
А Лениныс нӧ! Муніс бӧр!
Ме суетса суеті:— Эн во гортӧдз!
Тэ висьмин! Эн кӧ, тадз он сӧр.
Ӧд ӧти веськыд кыв оз тӧр!
Вай висьтав, ноко, Ленинтӧгыс
Тэ эськӧ врагӧс вермин эні!
Кӧн нартлы паныд пуӧ лӧгыс,
Кӧн тышлӧн гӧрддзасьӧма йӧгыс,
Сэн мян Ленин. Быд здук сэн.

Кор вождьным нуӧдӧма тышӧ,
Сэк батылы шуӧм:— Воас лун!

Вот аддзылан, ог прѳста ышѳд,
Тан муас ружтѳ озырлун,
Тѳ сыла ылѳдз эн и мун..
Мый та вылѳ тѳ шуан, вокѳ!
Тась коркѳ-й корсьлам на алмаз.
Лун воас, мѳдѳдчас Торжокѳ
Машинаастѳг, аслас кокѳн,
Оз кутшѳмкѳ, а коми газ.

Эз мун. Ме аддзысьлывла ськѳд.
Кор восьта ленинскѳй кыз том,
Разливса чомйын быттьѳ кыкѳн,
Нач кыкѳн дженьдѳдам рытпом.
Лист бѳрся лист. И вошѳ чом.
Тѳ водзын — паськыд, югыд ывла,
Медылыс кодзувьяслѳн дзирд.
А лолыд кыпѳдчѳ век вывлань,
И сѳк жѳ аддзылан и кывлан,
Кыз кутас аски овны мир.

Но вот и Сыктивкарным, ѳртьяс,
Ю пѳлѳн нюжѳдѳма сыв!
Со бара чуксалѳ ас ордас,
Кыз мусаыслы нюмдѳм ныв.
А со и тѳдса площадь выв,
А со и вождьным мян — Ленин!
Ме шуи:— Сйѳ вѳлѳ-й, эм.
Тась сйѳ шогсѳ-й лѳксѳ венис,
И ѳнѳ сьлѳн югыд гений
Тан восьтѳ коммунизмлысь нѳм.

Арабъяскөд сёрни

Арабъяскөд төдмөдiс менө Москва:
Мен өтпырйө кияссө мыччисны кыкөн,
Асфальт вывсө мыськалiс сөдз, югыд ва:
— Вот тайөс кө эськө мян арыкө!—

Тадз горөдiс пөшти и ланьтiс араб..
Не нуны жө гортөдзыс васө Москваысь!
— Тi прөститөй,— шуө,— ме абу нин раб.
Ме пай вылө өнi тшөтш воө нин ваыс.

Ме нюммунi напы, кызд вокьяслы вок:
— Вай кутам пыр дружитны, тувчавны орччөн.
Бур дружатөг быдлаын климатыс лёк,
Став петасыс му вылысь дзордзавтөг сотчө.

Сэк пөрысь араб — ачыс хлопокысь дзор —
Здук олыштiс чөв. Сылөн синдорыс вазис:
— Народьяслөн друг, мирын медся бур морт,
Арабьяслы индiс и ва, и оазис.

Араб ыджыд другсө көть нимнас эз шу,
Но позис мөй сы йылысь не төдны меным!
Мед вольнойөн вөчны арабьяслысь му,
Ён тыш вылө өнi на чуксалө Ленин.

Кашиноын бияс

*1920 вося ноябрь 14 лунö В. И. Ленин
воліс Кашино синтса крестьяна ордö,
кор найö восьтісны ичöтик электро-
станция.*

Кашиноын праздник кодь жö дзик,
Дона гостьöс виччысьöны сэнi.
Асывсяньыс юргö шуда сикт:
— Ленин локтö мян ордö! Ленин!

Воис Ленин. Ставлысь кутліс ки.
Сійö өмөй тöдса татчöс йөзкөд!
— Зэв бур делö,— шуö,— вөчид ті,
Ноко, «чудо-бинытö» вай öзтöй.

Пызан вылын рысь и выйтор эм,
Быдөн мыйкө вичмөдіс да вайис.
— Асьныд тшыгось... Мыйла ставсö мен!
Вот ог ошкы тіянös ме таысь.

Ленин сувтіс:— Овмөдчам выль ног,
Гöльлунсö ми асьсö регыд жмитам.
Аддзад, электричестволөн ток
Тöрытьясö аскиякөд йитіс.

Василий Власов

Ленин йылысь думъяс

Ичӧт на ме вӧлі
Сэк, кор Ленин куліс.
Йӧзкӧд ӧттшӧтш бӧрді...
Мамӧй меным шуліс:
«Бӧрдышт, пиӧй, бӧрдышт,
Тайӧ лун эн вунӧд:
Мортыд абу кӧртысь,
Сьӧлӧм абу сюмӧд.
Батьӧн вӧлі сійӧ
Миян кодъ гӧль йӧзлы.
Югыд, гажа биӧн
Сылӧн олӧм ӧзйис.
Атьӧ ставӧн шуам
Ставсьыс талун сылы.
Сьӧлӧм пиын нуам
Пемыд шогсӧ тырыс.
Аддзывны — эг аддзыв,
Сӧрнитны — эг сӧрнит.

Өдйө олөм гартчө;
Өнi, пиёй, сёр нин...
Сөмын век жө, вөлі
Медся матыс мортөн.
Менсьым олөм төдіс,
Шуд мен вайис гортөдз.
Он кө, пиёй, вунөд,
Кутшөм вөлі Ленин,—
Кытчө көть тэ мунан,
Сьөкыдлунсө венан.
Он ло безгысь-больгысь,
Лоан скромнөй, уджач,
Шудсө аслад ёртлысь
Дорйыны тэ кужан».
Визувтөны юяс,
Визувтөны шорьяс...
Прөйдитөны луньяс,
Прөйдитөны вояс..
Но оз вунлы Ленин...
Югыд образ сылөн
Сьөлөм пиын менам
Өнөдз олө-выпө.

Фёдор Щербаков

Ленин йылысь сьыланкыв

Лёз Эжва ю дорын, кён енэжыс югыд
И вольнөя лолалө уджалысь морт,
Юсь бордьяёс сьыланкыв сьёлөмсянь тэчим,
И ошкө сэн Ленинёс коми народ.

Кыз нэмъяслөн некодыр куслытөм шонді,
Ильич зарни югөрөн югдөдіс му
И тыш вылө сьёлөм народьяслысь шонтіс,
Мед лосьөдны Му вылө правда и шуд.

Быд чумйө и керкаө тувсов лун вайис,
Мезд кыалысь Му вылө öзйөдіс свет.
И ленинскöй правдаөн дзордзалө крайным,
И нэмьяс чөж дугдывтөг дзордзалас век.

Оз кувлы великöй Ильичлөн бур нимыс,—
Пыр видзам ас сьёлөмын сійөс быд морт.
Ми видзам, кызд миян став вермөмлысь символ,
Кызд пемдывтөм слава, ён вынйөр и борд!

Геннадий Юшков

Отсөг

*Уна йөз шыёдчылісны Ленин
дінө. 1920-өд воын аслыспөлөс
могөн шыёдчис сы дінө и Федот
Сердитов, коми морт.*

1

**Пукавны Федотлы
Оз сет сылөн удж:
Төв и гожом ветлө,
Гортас овлө сутш.**

**Аддзылөны йөзыс
Сійөс сэсь и тась,
Видзө сійө линия,
Мөд ногөн кө, связь.**

Ошкёны Федотёс:
Уджач, абу руй.
Паськёмыс вот сёмын
Некытчö оз туй.

Озырöсь ми öнi,
Тырмö кём и пась.
Но, а сэки голь на
Вөлi Сöвет власть.

2

Уджалö Федоткөд
Олöма монтёр,
Калькунöма вомыс —
Вашьялö кöть кор.

Отсавны Федотлы
Сiйö дась быд здук,
Сöмын аслас абу,
Вывсьыс кö оз юк.

Ёртыслысь мед кыдзкö
Кокньöдыштны шог,
Мыйөн стрöка сюрö,
Кайтö аслысног:

— Паськёмыдлөн нэмыс,
Тöда, абу кузь.
Но, да... кыдзкö-мыйкö...
Юрыд оз на усь.

Абу өд тэ жөник,
Дзормөмыд нин со.
Йөз син водзас энджык
Лөсьөдчы,— и всё!

Но Федотлы таысь
Кокныдджык эз вөв.
Сэтчө жө, эз тулыс
Матысмы, а төв.

3

Забеднө Федотлы,
Көть и абу чиг:
Пасьтавысө регыд
Нинөм лоө дзик.

Сөмын кытысь выльыс!
Вөрысь өд он кый.
«Мөскупаө кө нин
Гижлыны! А мый!

Пуксыны и гижны.
Сөмын кодлы вот!..
Ленинлы кө аслыс!!—
Ыркмуні Федот.—

Став Россия вөсна
Видзө сійө дум,
Юрсө оз и лэптыв,
Песьсө вой и лун.

Татшөм ичөт могонад
Ноксыны оз мөд.
Но, а гашкө, лыддяс!
Нинөм өд он төд».

4

Важөн пөра узыны,
Но Федот оз вод.
Ручка помсө йирө,
Думайтө Федот.

— Эн кө дзикөдз йөймы,
Син водзысь вай мун!—
Гөтырыслөн гөлөс
Торклө сылысь дум.—

Лениныдлөн тэтөг
Уджыс уна эм.
Аддзылан вот, таысь
Веськавлас на тэн!

А Федот оз вөрзыв,
Бытьёкө оз кыв,
Олыштас да бара
Гижас гоз-мөд кыв.

Со кызд сійө гижис:
«Дона Ленин ёрт!
Тиян динө мөгөн
Өти коми морт.

Ношувьысь ме ачым,
Сэтшөм вөлөсть эм,
Дас сизимөд восянь
Сөмын ог ов сэн.

Холмогоры карын
Ола сэксянь ме,
Телеграфной линия
Ветла-видза век.

Дивитой коть энö,
Суис менö шог...
Висьтавнысö яндзим...
Паськөмой зэв лёк.

Дөмасыс оз öшйы,
Резьдö. Гөгөр розь.
Судзöдны сэсь выльöс
Оз-ö кызкө позь!

Оз кө, гашкө, сюрас
Матерье сы тыр!
Гөтыр эськө вурис
Меным пырысь-пыр.

Мынтыси ме эськө,
А то оз сюр тан:
Кытчö коть ог шыась,
Дзуга пö ме план.

Таысь энö скөрмөй:
Горшасьö пö со!

Сэтшөмнас эг вөвлы
И ог некор ло.

Көть и өні абу
Томдырся кодь чожд,
Век на аслам уджөн
Олі, дона вождь.

Дөзмөді нин кузя,
Помала, ог кут.
Тіянлы жө сиа
Кузь нэм да бур шуд!»

5

Ывла мича югыд,
Он нин өні вод.
Сөйыштис да муніс
Удж вылө Федот.

Почта дорын тьötө
Доддялө нин вөв.
— Письмө гижі. Ну тшötш.
— Со тай кудйыс. Чөвт.

Вөрзис вөла почта,
Чипанъяс — сюв-сяв.
И Федот сэк повзис:
«Гөтырөй кө прав!»

Õти здукөн кельдiс,
Быдсөн лолi виж,
Но да, лёксö нинём,
Кажитчö, эз гиж.

6

Письмöйс Федотлөн
Ветлö вежон-мöд.
Кутшöм юөр воас,
Водзвывтö он тöд.

Маитчыны пондiс,
Кытчö кöть оз мун.
Луннас эськö мед нин,
Войнас оз лок ун.

«Гашкö, öнi пырас
Милиционер,
Кызöктас да шуас:
«Ноптö... мыйкөкер..!»

Майшасьö тшöтш гöтыр,
Тököтьö оз бöрд:
— Колö жö тэн вöли
Гижны, сюра чöрт!

7

Телеграмма вöчис
Виччысьöмлы пом:
Гижысьöс губернскойöй
Корö исполком.

Но, а мыйла корö —
Весиг кыв ни джын.
Лöсьöдчыны колö —
Киыс быттьö кын.

Бур кыв пыдди гöтыр
Содтöд эльтчö сэн:
Эн гиж, мися, дугды!
Шулі эг ме тэн!

Та вылö Федотлөн
Воча кыв оз сюр,
Горшас лолыс сибдö,
Увлань кыскö юр.

8

Пырö-петö йöзыс,
Шума Исполком:
А Федотлөн быттьö
Калич вылын вом.

Мөдөд час нин коли
Сылөн воём мысьт,
Коридорөд ветлө,
Юавны оз лысьт.

Паныд локтө дядьö,
Бовьялө наган.
— Кутшөм, шуö, могөн?
Мый тэ вöчан тан!

«Корсьöны кө тэнö,
Сюран водз ли сёр».
— Да ме... отсөг кузя...
Гижлі öтитор...

Телеграмма воис,
Лок пö пырысь-пыр!
— Тасянь нельөд öдзöс.
Аддзан! Сэтчö пыр.

Восьлавнысö сьöкыд,
Бытьö кутö гез,
Мырдөн сорөн локтис,
Лыддис: «Губ-со-бес».

9

Гожөм помын шондi
Мелi, оз нин сот.
Мир туй кузя гортас
Шавксьöдö Федот.

Любõысла сълõн
Чужõм пасьта нюм;
Вылас дзик виль пальто,
Дзик на виль костюм.

Эз на некор сйõ
Пасьтасьлысõ тадз.
Нопьяс сълõн содтõд
Улыс дõрõм-гач.

— Новлы!— шуйс сылы
Губсобесса морт.—
Тайõс тэныд ыстис
Ачыс Ленин ёрт.

Ленин да мамõ

Ог аддзы тешкодьсõ ме сэтысь,
Мый найõ õтдонаõсь меным:
Õд мамõ сьõлõмсõ мен сетис,
А водзõ мортõн вõчис Ленин.



Войт мында кõть Ленин кодьõн лоны:
Не куш аслым видзны сьõлõм шоньд;
Олõм нопйõс мудериттõг нуны;
Подулавтõг мортлы кыв не шуны;

**Ышнясьөмысь биысь моз жö повны;
Веськылунтöг öти здук не овны;
Ыджыдавы некодлы не сетны;
Мöвпнам водзö талуньясьыс петны;
Босьтöм могланы нырчыны да воны.
Войт мында кöть Ленин кодьон лоны!**

Альберт Ванев

Ленин

Кыз ловъялы олём,
Кыз муыслы мич,
Сідз йёзыслы колё
Владимир Ильич.

И тэныд, и меным,
Коть кёні, коть кор,—
Пыр отсасьё Ленин,
Медматысса морт.

Ильич вёвлі ылын,
Но кён коть эз вёв,
Ас Волгаыс йылысь
Пыр лелькуйтліс мёвп.

Кыз турун бур видзкөд,
Кыз берегкөд ю,

Оз торъяв Ильичкөд
Ас роч чужан му.

Кыз шондї да енэж,
Кыз чардбї да гым,
Сїдз йитчөмны Ленин
Да Партияным.

И век кежлө сійөн
Ён надея эм,
Мый Партия миян
Оз вынтөммы нэм!

Сэки чужис Россияын Ленин

Чизыр көдзыдсө тулысыс веніс,
Волга ю кузя кылаліс йи...
Сэки чужис Россияын Ленин —
Паськыд мунымлөн меддона пи.
Чужис шондїа тувсовья кадө,
Кодыр енэжыс пасьтала лөз,
Кодыр видзөны сьөлөмас радлун,
Олөм бурмөмас эскөны йөз.

Сөмын вайдөр эз козьнавлы шудсө
Югыд тулысын садьмывлысь му.
Йөзлөн шог вөсна овывліс гудыр
Волга ю — миян матушка ю.

Уна вояс чөж нывъяс да пиян
Чужан му вылын олісны сідз..
Дыр зэв виччысис миян Россия
Сійö лунсö, кор чужис Ильич.

Талун восьлалö водзлань Россия,
Кытчö петкөдлö Ленинлөн ки.
Коммунизмыслысь ярьюгыд бияс
Чужан му вылын ломзьöдам ми.
Аддзам Ленинөн кыпöдöм мулысь
Шуда томлун да тувсовъя мич.
Кык пöв гажа Россияын тулыс,
Мый сэк чужис Владимир Ильич.

Октябрьскöй праздник водзын

И бара на Октябрьскöй праздник водзын
Ме аддзылі Москвалысь югыд мич
И Мавзолейлань уна йöзкөд орччөн
Сэк восьлалі и мөвпалі ме сідз:

Со тайö мортыс паськыд Волга юкөд
Нэм кежлö йитіс Пармалысь быд шор,
И Коми му — Россиялөн жö юкөн,
И Ленин — коми йöзлы ашшөр морт.

Кор локтамöй роч мулөн сьölөм дорөдз
Ми, кыздз ас йöз, тан копыртчылам век...

Но видзёда да:
Флагным рёма дзоридз
Гранитной тшупөд вылө пуктис негр.

И кызкө поис нимкодь мем и шоныд,
Мый роч му вылын чужом коммунист
И саридзсайса войтырлы тшөтш дона,
И сэн тшөтш олө Ленин йылысь висьт.

А тані ломзьё Кремльлөн югыд кодзув,
Ильичлөн сьолөм бытьё ломзьё сідз...
Ме вөлі сэн Октябрьской праздник водзын,
Көн узьё-шойччө кувлытөм Ильич.

Кузьчышъян

*„Владимир Ильич кувсьөм бёрын
нин өти крестьянка, ачыс коми,
ыстис сылы письмө да ас кинас
вөчөм кузьчышъян. Пемыд вёрын
олигад тайё пөчёыс нинөм абу
и кывлөма Ильичлөн кувсьөм
йылысь“.*

Н. К. Крупская.

Парма-вёрын гу кодь вөлі пемыд —
Эз друг кыв Октябрьлөн гыма шы,
И эз быдөн төд, мый олө Ленин,
И эз кывлы сылысь биа кыв.

Сөмын кадөн гораторыйд кывсяс —
Бур юөрыд воас сёр ли водз.
Регыд том йөз сиктын кутіс сывны:
«Ленин, Ленин —
Миян дона вождь!»

«Ленин, Ленин»,—
Быд керкаө пырис
Тайө нимыс, кызди рөдвуж ним.
Сійө югзис Ленин олиг дырйи,
Да и кулом бөрас эз жө сім.

Кужысь киа пөрысь коми пөчлы,
Кузьчышьяньяс коді кыис дыр,
Коді нэм чөж мичлун зілис вөчны,
Ленин вөлі ловьяён жө пыр.

...Татшөм шөртсө печкывлөны этша,
Мыйысь кузьчышьянсө кыис пөч.
Артмис сэсся сэтшөм мича, сэтшөм —
Көть оз эскы, ачыс кө эз вөч.

Шөрт пыддиыс, бытьө шонді югөр,—
Өмидз рөма, ловья сэн узор.
Ассыс муслун дзоньнас кө оз чукөрт,
Татшөмтор оз вермы вөчны морт.

Аслас нывлы, велөдчыштөм Глашлы,
Пөчө тшөктіс письмө гижны сідз:
«Вөчөмторйөй асывьясын, гашкө,
Парманымөс казятас тэд, Ильич...»

...Кольём во ме волі пöchö ордö:
Онi вöchö ныв, мый кужліс мам —
Коми аньяс талун, кыздз и коркö,
Кузьчышьяньяс мичмöдöны тан.

Тайö збыльысь чуймöдан искусство,
Кодлөн мян кадö вына борд.
Нимкодьлунöй менам вöлі кустём —
Ме öд ачым тшöтш жö коми морт.

Эз, Ильич эз аддзыв аньлысь козин...
Босьтліс кө ас киас кузьчышьян,
Доньяліс, дерт, надейтчыны позьö,
Коми йöзлысь мичлун вöчан сям.

Владимир Попов

Тэ тōдан, ёрт...

Тэ ичōт дырсянь тōдан, ёрт:
Эз ен, а йōз ми быдтор венимō.
И эм кō пельпом саяд борд,
Тэд сийōс сетіс мян Ленинным.

Сы нимōн лѣксъыс тэ он пов
И вōчан сідз, кыз тшōктас сьōлōмьд.
Но кытчō колō и оз ков —
Ог кутōй нимсō сылысь кōлавны.

Ќд сідзи-й вепōдліс Ильич:
Мед йōзлы сōмын вōлі колана,
А бура вōчōмторлōн мич
Век петкōдчывлō ыджьд олōмас.

Эз, подвиг Ленинлōн эз ор.
Ми сийōс вынсьōдам пōсь висетьясōн.

Но веськыд туйысь кежан кор,
Эн лысьт тэ кодкө вылө ыстысьны.

Оз кокни овлы тэд и мем,
И мыйыс көть оз овлы эськө да,—
Мед өти правда олө нэм,
Мед өти правда ставон веськөдлө.

Ленин йылысь кыв

Ме сылысь оландыр эг су нин,
Великөй батылысь оландыр.
Сы йылысь удитисны шуны,
Сы йылысь шуантор оз быр.
Ми ськөд, генийкөд, землякьяс:
Россия — миян чужанін.
И Волга ю, и коми ягьяс —
Дзик ставсө аддзис сьлөн син.
Ме чужи-быдми парма сиктын,
Мен сюрис вильмөдөм ас му:
Ильич мен водзвыв шудсө ликтис,
Странаос важыс оз нин су.
Сөветскөй йөзлөн вына йитөд
Ильичкөд некор дзик оз ор,
Кыз революциялөн шытөг,
Россия-мамлөн вернөй питөг
Эз вермы чужны тан выльтор.
Странаөй, югыд вөчысь муөй,
Судьба эз кокни тэныд усь,

Но өти туйöd, Ленин туйöd
Он öтнад мун, великöй Русь.
Бур делö тайö ловъя, сідзкö,
Оз чусмы кö выль нэмлөн мич.
Ми талун восьлалам Ильичкöd,
И талун медводзын Ильич.
Та вöсна мянös не венны,
И помödз ваям панöm висът.
Тшötш Коммунизмö пырас Ленин,
Кызд медся первой коммунист.

Борис Палкин

Ыджыд пример

Разруха кадлысь шуштӧм сер
Эз гажӧд весиг майскӧй шонді.
Сэк Ленин пельпом вылас кер
Ас ёртыясыскӧд нуны пондіс.

И пыр жӧ мыйкӧ сэтшӧмтор
Сы бӧрся вӧчны босытчис йӧзыс,
И некод сыысь дон эз кор.
А сьӧлӧм ставлӧн яра ӧзйис.

И тайӧ уджсьыс мулӧн бан,
Кызд мойдын, ӧдйӧ вӧлі ловзьӧ.
И ӧнӧдз мян пӧвстын тан
Примерыс тайӧ би моз ломзьӧ.

Ю р и н д а л ы с ь

А. Ванеев. Коми поэтыс — Ильичлы . . .	3
Виктор Савин (Нёбдінса Виттор)	
Ленин	10
Ленин — öзйöдысь ним	11
Яр шонді моз	13
Вениамин Чисталёв (Тима Вень)	
Му вежандыр (Поэмаысь юкөн) . . .	16
Владимир Латкин	
Тундраса мойд (Поэмаысь юкөн) . .	18
Ананий Размыслов	
«Кыасянь кыаөдз тіраліс вөр...» . . .	20
Серафим Попов	
Ленин пыр ловья	22
Ильичлөн лампочка	23
Иван Вавилин	
Ленин Комиын (Поэмаысь юкөн) . .	26
Арабъяскөд сёрни	28
Кашиноын бияс	29
Василий Власов	
Ленин йылысь думъяс	30
Фёдор Щербаков	
Ленин йылысь сьыланкыв	32

Геннадий Юшков	
Отсөг	33
Ленин да мамö	42
«Войт мында көть Ленин кодьöн лоны...»	42
Альберт Ванеев	
Ленин	44
Сэки чужис Россияын Ленин	45
Октябрьской праздник водзын	46
Кузьчышьян	47
Владимир Попов	
Тэ төдан, ёрт...	50
Ленин йылысь кыв	51
Борис Палкин	
Ыджыд пример	53

КОЛЛЕКТИВ АВТОРОВ
СТИХОТВОРЕНИЯ О ЛЕНИНЕ

На коми языке

Составитель А. Е. Ванеев

Художник В. И. Краев

Редактор В. А. Попов

Худож. редактор М. П. Безносков

Техн. редактор А. Н. Вишнева

Корректор М. М. Дейнега

Сдано в набор 12/V-1969 г. Подписано к печати 13/VIII-1969 г.
Формат 60×84¹/₃₂. Бум. л. 0,87, печ. л. 1,75. (Уч.-изд. л. 1,67).
Заказ № 2606. Тираж 2500. Ц01460. Цена 17 коп. Бумага № 1.
Коми книжное издательство, Сыктывкар, Дом печати.

г. Сыктывкар, Республиканская типография
Управления по печати при Совете Министров
Коми АССР.

17 KOIL